

Meeqqat pisinnaatitaaffii pillugit isumaqatigiissummut Kalaallit Nunaata nammineq qinikkaminik isumaqatigiissutip tapiliusnaanut 19. december 2011-mi peqataalernissaanut Inatsisartut aalajangiiffigisassaattut siunnersuut Meeqqanut, Inuusuttunut Ilaqutariinnullu Naalakkersuisoq

Akissuteqaat

Aappassaaneerinninneq

Ilaqutariinnut Peqqissutsimullu Ataatsimiititaliaq sukumiisumik isumaliutissiissuteqarneranut Naalakkersuisut sinnerlugit qutsavigaara.

Ataatsimiititaliap isumaqatigiittup aalajangiiffigisassatut siunnersuutip akuerineqarnissaanik inassuteqarnera Naalakkersuisut naammagisimaarlugu tusaatissatut tiguaat.

Siunnersuutigineqartup matuma atortuulersinneqarnissaanut piviusunngortinneqarnissaanullu tunngatillugu Naalakkersuisut peqqissaarussinissaannik, tassunga ilanngullugu meeqqat pisinnaatitaaffiisa pingaartinnissaannik, pitsaassutsit qulakkeerneqarnissaannik malitsitsinerullu nukittorsarneqarnissaanik ataatsimiititaliap kissaateqarnera Naalakkersuisut paasilluarpaat. Naalakkersuisut MIO pitsaasumik suleqatigaat, naammagittaalliorsinnaanermut periarfissat pillugit ilitersuutit siunnersuinerillu meeqqanut tamanut atuaruminartuunissaat paasiuminartuunissaallu qulakkeerniarlugu.

Ataatsimiititaliap isummersuutigisai Naalakkersuisunit taperserpagut aappassaaneerinninnermilu siunnersuutip inaarutaasumik akuersissutigineqarnissaa inassutigalugu.